


分類評註



新國民刀筆大全

楊公題



上海廣益書局發行

分類評註
新國民刀筆大全
卷二目次

名人公牘

訓政精神之公牘

.....一

平息工潮之公牘

.....七

掘毀皇陵之公牘

.....一

自解兵柄之公牘

.....一六

軍需獨立之公牘

.....一八

爭執煙土之公牘

.....二〇

力爭平等之公牘

.....二五

報告學潮之公牘

.....二七

制止學潮之公牘

.....三〇

編遣軍隊之公牘

.....三三

收回租界之公牘 三七

整理川政之公牘 三九

力促禁煙之公牘 四一

報告易幟之公牘 四五

報告局况之公牘 四七

處分莊產之公牘 五一

其二 五四

請復礦權之公牘 五七

整飭綱紀之公牘 六一

崇尚節儉之公牘 六二

厲行義教之公牘 六四

力爭關權之公牘 六六

善後軍事之公牘 六八

解決寺產之公牘	七四
力爭路權之公牘	七九
呼籲統一之公牘	八一
宣布罪狀之公牘	八五

分類評註

新國民刀筆大全

卷二

名人公牘

訓政精神之公牘

依據總理建國方略。凡一省軍事全定後。即開始訓政。所謂訓政者。即脫離軍政時代而入於憲政時代之一種過渡時代也。國民軍自兩粵出發後。不半年即會師武漢。不一年即平定江浙。至今已直達平津。統一全國。政府依據總理遺訓。於軍事告終之日。即開始訓政。並將訓政時期中爲民除害與民更始之方略。及建設政治訓育公民之意旨。完全宣示人民。凡在青天白日旗幟下之國民。皆應曉然於訓政時代之重要。及國民政府今後興利除弊之政策。誠關係國家安危人民休戚之巨著也。其文計長二千餘言。錄之如下。

中國革命。本中國國民黨總理孫中山先生綜合世界科學與東方文明所結晶之三民主義。循革命方略所昭示之軍政訓政憲政三大程序以邁進。既四十餘年於茲。辛亥一役。以總理之領導與諸先烈之血誠。肇造中華民國。而不幸被袁世凱與北方軍閥之展轉割據。以陷於幅裂。此次

北伐。乃繼承總理未竟之遺志。恢復辛亥革命中墮之大業。而完成統一。積十餘年來痛苦之經驗。則知軍政時期之告終。不僅在於革命障礙之掃除。而尤在於國內人心之統一。訓政時期之開展。不僅在於建國大綱之實施。而尤在於實業計畫之推行。在此由軍政時期向訓政時期進展之際。中國國民黨本其歷史上所負之使命。適應國家實際之需要。代行政權。而以治權授諸國民政府。並爲之制定其組織。設立五院。分工担任。庶幾五權憲法之宏謨。三民主義之建設。於以更始。國民政府受此付託之重。當矢忠矢信。率領國民。踐公職責。使過去之以武功昭揚三民主義者。今後得徵文治施之於實行。爲期畫一。海內之視聽。集中國民之努力。是用確定今後進行建設之方針。提綱挈領。有關於建設先決條件者二。有關於實際建設者三。茲分別爲全國國民告焉。

國民政府之建設。以實行建國方略建國大綱及中國國民黨各重要宣言與政綱爲目的。唯如何而能達此目的。則當首先綏撫社會。消除伏莽。以爲進行建設之基礎。十餘年來。社會崩潰。紀綱弛解。致使人民生命財產失所保障。生機秩序失其維繫。於是盜匪蠭起。萬民流離。軍閥之掎克。剝削揚其禍。共產黨之煽亂。暴動益其苦。而全社會乃爲潰兵土匪共黨三者展轉肆虐之脩羅場。我國民革命軍爲人民驅除暴亂。轉戰數載。雖神武不殺。奠定全國。而將士之殘傷凍餒。與人民之流離

失所。同其慘痛。政府軫念民瘼。當盡全力從事於救死扶傷。剿平土匪及剷除共產黨之工作。誠以國家權力之基礎。乃築於國民實際需要之上。而社會生活之秩序。與人民生命財產之安甯。皆爲國家本身切要之企圖。故凡有擾亂社會之秩序。危害人民生命與財產之安全者。必盡全力以芟除之。無有寬假。以現在社會之崩壞。國家之顛危。唯有全國上下秉臥薪嘗膽之精神。以圖休養生息之道。人民始可昭蘇。國力始可振拔。而建設事業始可次第進展。此安定社會所以爲建設先決條件者一。

國家行政上主要急切之問題。爲今後進行一切建設之先決條件者。厥爲裁兵餉與整理財政。二者範圍固不同。然以其根本相互之關係。實並行而不悖。過去軍閥之割據。已使國家財政系統破壞無遺。各省向義之師。無可爲計。則亦唯有就地給養。於是財政系統之紊亂。益使全國兵額無從限制。故在北伐完成之際。政府卽已確定裁減軍隊統一財政之計。各省將領體念民間疾苦。亦皆衆論僉同。分別實施。惟是裁兵乃以節國帑。而不可以資亂民。裁兵必與發展生產並進。理財固所以輕減平民之負擔。亦必有以增加國家之收入。故廢除釐金與豁免苛捐雜稅。又必與收回關稅改革幣制確定預算建立中央銀行雙策並行。以此之故。目前之編縮軍隊與整理財政。其先

唯在行政之統一。苟非由此以進於全國政府建設。經濟建設。則軍隊與財政根本之進步爲不可能。此裁兵餉與整理財政。所以爲建設之先決條件者二。

前述二項。爲實際建設進行之輔翼。其目的在於廓清亂源。整肅秩序。使國家得由武力破壞。進於和平建設之坦途。而革命之主要目的。尤在爲全國人民謀和平建設之大計。政府決以全力從事於左列三種之實際建設。尤望全國國民與政府協力以赴之者。

實際建設之進展。必恃一強固有能之政府。以爲其原動機。故政治建設。乃其他一切建設之首腦。國民政府五院之設立。實爲政治建設之創始。今後之勢力。則以是爲訓政之中心。實行建國大綱所指示之直接民權之訓練。與五權憲法之完成。夫中國民權主義之發展。必待縣自治之完成。發展以爲根基。故必培養攷驗合格之人才。以從事於全國各縣人口之調查。土地之測量。警衛交通之舉辦。與夫人民四權之訓練。在此縣自治籌備進行之中。政府當爲之制定法令。並攷核其成績。迨各縣之人民曾受四權使用之訓練。完畢國民之義務。實行革命之主義。而地方要政舉辦妥善者。政府當使之行使地方自治之權能。參預國家之政事。至全國大多數省分之地方自治完全成立。則國家當以政權還諸國民。使之依法制定憲法。組織民選之政府。是爲憲政之完成。此關於政

治建設者一

經濟建設。爲三民主義之物質的基礎。亦卽中國民族生存發展之物質的條件。故必與政治建設相輔而行。始足以充實民族之力量。促進民權之發展。供給人民衣食住行之需要。惟進行經濟建設之原則。必依個人企業與國家企業之性質而定其趨向。凡產業之可以委諸個人經營或其較國家經營爲適宜者。應由個人爲之。政府當予以充分之鼓勵及保護。使其獲得健全發展之利益。爲求利使其發達。故政府對於關稅自主權之收回。已確定實行。自今以後。更當規畫實行裁汰苛捐雜稅。改善收稅制度。統一貨幣。發展金融。若夫產業之有獨占性質而爲國家之基本工業者。則不得委諸個人。而當由國家經營之。此類事業。乃政府今後努力建設之主要目標。方將確定步驟以求實行。以國民之急切需要言之。必須首謀開發社會經濟所賴以爲發動之基本工業。故鐵道之增築。水道之疏浚。公路之開闢。爲不可緩。惟以目前社會之貧乏。科學之落後。驟欲舉事而求速。於勢不可能。故必依平等互惠而不損主權之原則。盡量吸收外資。借用專門人材。庶幾事半功倍。基本之交通與運輸事業發達之後。則其他農工礦各種事業。必蒙疏達之利。過剩人口之國。必隨之舒解。農村生活。必因以增進。其有因社會經濟發達而增價之土地。政府當依照平均地權

之原則。爲之制定土地法。土地使用法。地價稅法。使其所增之利益。歸諸社會。若是者爲政府所定最低限度之方針。至於其他物質的建設。爲實業計畫之所昭示。而有待於次第規畫進行者。不俟言矣。此關於經濟建設者二。

教育之建設。乃社會國家一切改造之樞紐。今日全國青年男女精力之衰頹。身體之孱弱。風尚之敗壞。知識之淺薄。實不啻暴露過去教育之毫無實效。長此以往。中國民族之生存。必陷於絕境。根本之圖。首在普及三民主義之國民教育。充實中學以上教育之內容。注重學生體格之訓練。提高實用科學之知識。使青年國民之身體精神。皆有充分健全之發育。始克保證民族無窮之新生命。因此之故。凡知識未充。判斷力未備。而身體發育未臻健全者。決不任其參加政治鬭爭。與社會鬭爭。而自趨於戕賊。此關於教育建設者三。

抑尤有進者。一國政治之組織。有二大目的。一曰爲民族求生存。二曰爲人類求進化。而吾人數十年來之所努力奮鬭者。以此。方茲建設造端之始。實開吾民族歷史上生存進化未有之局。而又值世界科學昌明之時。以我文化優秀之民族。據世界獨一廣大之天府。正所謂以有爲之人。據有爲之地。而又遇有爲之時者也。故吾國民今後唯有秉知難行易之精神。由先知先覺者發揚創造。後

知後覺者倣效推行。不知不覺者盼與樂成。以建一政治。明生民樂利之民。有民治民享之新國家。則不獨中國民族之生存。得以保障。而人類之進化。亦必利賴無窮矣。

〔評〕 訓政造端。建設開始。凡政府之所應詔示於國民者。雖累千萬言而不能盡其詞。畢其意。此文祇二千餘言。而於政府建設經濟建設教育建設。以及裁兵節餉理財訓政。無不縷晰言之。且剴切詳明。誠意惻怛。如慈父之訓子。嚴師之教弟。誠非鑄史鎔經而又具有世界眼光者。決不能輕道隻字。

平息工潮之公牘

邇年以來。受政治之影響。生活之壓迫。工界時有罷工之舉。夫罷工本爲工人萬不得已之舉。爲一種最後之武器。用之適宜。固足增高工人地位。而用之失當。亦決非工人之幸。且非社會之福。去年十月初。上海郵務工人以要求加薪及改良待遇未遂。遽爾罷工。要挾郵局本爲國家交通機關。其影響於國家秩序及社會安寧者綦巨。一經罷工。舉國均蒙影響。後經交通部及黨部出爲調停。並經市政府社會局出爲解釋。經四月之久。始告復工。事後中央黨部執行

委員會發表告郵務工人書一文。對於郵工罷工之不當。一一詳爲指出。並瀝陳郵工在國家及社會上之地位。其文如下。

此次上海郵務罷工。關於生活方面之要求。中央認爲勢不獲已。深具同情。在能力範圍之內。必有以應工友之需求。惟處目前產業破敗國勢阡危之際。以要求改良待遇而必出之於罷工。罷工而出之於服務公用事業之郵務工友。要求而涉及國家之行政系統。中央確認此爲工友行動之錯誤。實有深切之遺憾。特以極懇摯之意志。爲我親愛之工友一指陳焉。總理在日。對全國工友。曾有一極剴切沉痛之演說。卽普通題爲工友所受不平等條約之害者。其要點有三。一中國係世界上最貧且弱之國家。受各國之種種壓迫。處於奴隸之地位。工人必先知此而後可以明瞭自身所處之境遇。二中國實業。尙未發達。機器生產。尙未盛行。卽國內今日尙無如外國相等之大資本家。與壓迫工人之現象。三工人必須團結於三民主義之下。與全國民衆一致努力。以廢除不平等條約。總結言之。卽工人欲增高自身之地位。必先增高國家地位。若專爲自己着想。必無走通之路。此情此理。至今絲毫未變。雖至將來。一切工人運動。亦絕無違背。總理遺訓而可得完美之成功者。我郵務工友。居工人中知識最優。組織最良。待遇最高。乃以此地位。竟於北伐甫告完成建設方在

開始之際。以政府服務之人員。而向政府罷工以示威。豈非昧於國家現處之地位。忘去總理正確之遺言。倘一任私情憤張而不自遏制。則我工友所求有利者。將必至於失敗而自絕其生計。吾人試將目光外觀國家全部。其慘痛之現象。千萬倍於郵務工友者。正不知若干萬人。如以失業者與作工者比。生活之懸殊。當不止十百倍也。如以工人與農人比。則農人之貧苦。亦不止十百倍也。再以工人與兵士比。則兵士之斷肢截體。辛苦勞絀。更遠過於工人多矣。此皆現社會之實際狀況。無人得而稍加曲解隱飾者。我工友亦知之最詳。無須喋喋也。今我郵務工友。生活優於全部工人。反首先爲罷工自絕之策。其何以自解於民衆。又何以自解於國家。更何以對總理之遺教乎。且郵政爲國家之公務事業。關於社會之全體幸福者極大。若工友不以全社會之幸福爲前提而罷工。是爲反社會之行爲。終必受社會之制裁而自趨於失敗。而社會於此訓政開始民政發展之時。當不忍受此重大之損失。我親愛之工友。倘興念及此。當可憬然大悟。知必有毅力決心。以擁護政府之主張也。故由上所言。我國工人之出路。惟有以救國救民爲目的。遵從本黨之領導。在三民主義之路上。一致向前奮鬥。始有光明燦爛之一日。本黨四次全議宣言。曾云。本黨喚起民衆之努力。與乎革命的民衆之奮起。其根本的目的。乃在求民族全體之生存。而非自尋生存之途境。乃在發

展中國之產業。而非破壞中國之產業。乃在建設生產之秩序。而非破壞生產之秩序。吾黨今後必以強固而堅忍之決心與不斷的努力。以發展中國之農業工業者。裕中國國民之生活。實現總理建國方略。宏遠之計畫。而達人盡其才地盡其利物盡其用之目的。民衆運用強固的政權。與良善之法律。以全力爲國家建設工作之後盾。反乎此義者。則皆共黨之行爲。國民之賊。必盡全力以殺除之。決不忍其危害社會之生活。民族之生存。國民之生計。羣衆之生命也。故至北伐完成。五次會議開幕。即注全力於有能力政府之建設。從事於系統的法令規章之制定。使國民生活得穩固之安甯與保障。簡言之。即對於全中國之民衆。皆須統籌其生活之增進。終不致對郵務工友而有所偏視或遺忘。今茲政府組織。已期健全。五權憲法。亦正肇基。凡我總理遺教。一一準備推行。自由平等的中國之確立。惟望全國革命民衆之一致的團結與努力。光明之期。必不在遠。我郵務工友地位。爲國家交通行政之公務人員。工作影響。更普遍於社會需求。地方安甯。建國之企圖。決不自廢於任何國民。此次不幸的罷工事件。在本黨切實指出過去偶然錯誤。以後當必能以國家之生存爲目的。尊重黨治之系統。不再爲愛護工友者所憂疑。爲利用工友者所竊喜也。

【評】

羣衆運動。感情多而理性少。若欲指出其錯誤而納之於正軌。必須意思誠懇。措詞得當。

更須指出其錯誤之所在而以安詳之態度出之。方可折服其心。使之趨於正道。此文恰到好處。一層進一層。一層深一層。鞭辟入裏。反覆詰責。使之無口可開。而又出之以至誠惻怛。毫無悻悻之氣。更能感格之。使悉心悅誠服。不致激起反動。誠平息工潮之唯一妙文也。

掘毀皇陵之公牘

國民革命軍北伐告成後。張宗昌褚玉璞隻身逃往大連。其部下以主帥無人。紛向革命軍投誠。此輩兵士本無何等學識。亦毫無何等主義。軍紀更屬蕩然。故雖俯首投誠。其野心依然未戢。竟乘大軍撫綏平津之際。將前清乾隆帝及慈禧后陵墓發掘。盜取珍寶。販運海外。嗣經大軍得悉。由第三集團軍總司令閻錫山立派參議杜孝穆馳往查勘。杜參議奉命後。立馳東陵。詳爲勘查。當將被掘各緣由及被掘後各種情形。詳呈閻總司令。其文云。

竊奉鈞部令開。以東陵被掘。酌派隊伍馳赴防護。查拏盜墓匪人。並將各陵被匪蹂躪情形。詳細查明具報。以便核奪等因。奉此。遂於八月十日率領員司弁兵。由北平起程。適因平東各縣陰雨連綿。

路途泥濘。參議等以事關重要。未敢刻延。一面催覓車輛。一面冒雨步行前進。十三日行抵馬蘭峪。騎兵第一連亦於十四日開到。當即召集該處公安局保衛團民團商會等。宣布總司令保存古物綏靖地方至意。並誥誡本地居民。勿得以身試法。一面轉飭各陵總管。由十五日起各陵查勘。並將殘毀較甚之處。分別拍照。以資參攷。於十七日查勘完竣。惟寶庫內存儲各陵古物祭品等項。因參議所奉係防護地方。緝拏盜墓人犯。職權分明。未便遽往點檢。祇函知東陵承辦事務衙門。檢抄原冊備查。乃該衙門一再延諉。迄未交出。適政府特派接收委員已親往點檢。有無情弊。應由委員具報。謹將東陵被匪蹂躪情形列舉如下。查東陵界址。南至金星山。北至昌瑞山。距離約十里。東至馬蘭峪門。西至葦子峪邊牆。距離約十五里。計大小陵墓寢十四處。曰昭西陵（順治生母）孝陵（順治）孝東陵（順治后）景陵（康熙）景妃陵（康熙妃）（曾經被掘未成）景雙妃陵（康熙妃）裕陵（乾隆）（被掘）裕妃陵（乾隆妃）定陵（咸豐）（被掘未成）定妃陵（咸豐妃）定東陵有二。一爲普祥峪（咸豐后卽慈安）（被掘未成）一爲普陀峪（咸豐后卽慈禧）（被掘）惠陵（同治）惠妃陵（同治妃）（本年春間被掘）在前三四年間。各陵饗殿內供桌祭器門窗簾幕。一切均尙完好。所有陳設。業於民國初年。經清守護陵墓大臣載澤運回清

官存儲。僅餘磁瓶碗盞供祭之品。以爲春秋祀饗之需。自十五年秋季間。奉軍開始代賣陵墓樹木數萬株。因之守陵官員兵丁乘機紛紛盜賣。去冬奉軍第二十八軍軍長岳兆麟至馬蘭峪收編土匪。紛駐各陵饗殿配房。一時門窗木器半遭焚毀。本年春間復有匪人將惠妃陵棺木掘出。盜去殉葬珠寶屍身拋棄棺外。當經馬蘭鎮署戈獲人犯五名。解交遵化縣拘禁。尙未審決。土居人民。始悉丹墀之下。卽爲出入寢宮最捷之徑。掘墓之動機。遂伏於此。迨至六月十二日。卽陰曆四月二十五日。岳兆麟收編之團長馬福田。由保定奉令開赴灤縣集中。詎行至玉田縣屬之新安鎮。偵探馬蘭峪空虛。無兵駐防。陰率部屬於深夜突圍而出。佔據馬蘭峪。改易國軍旗幟。號召一方。該團長爲東陵土着。向不安分。對於陵寢寶藏垂涎已久。無如時機未熟。無從下手。不意於七月二日。卽陰歷五月十五日拂曉。駐薊縣屬馬伸橋孫殿英部第八師師長譚溫江率兵一團。向馬蘭峪馬部施行襲擊。激戰數小時。馬部不支。餘衆潰散。譚部進駐馬蘭峪。官兵藉搜索敵人檢查或器爲名。紛入商店殷戶住宅。乘隙肆行搶劫。並放火焚燒街市。計有舖戶八家被毀。至次日復有第八軍柴雲陞部第七旅旅長韓大偉率步兵一團。工兵一營。迫擊礮一連。由西南葦子峪間道分駐裕陵孝東陵定東陵等處。揚言與譚部不和。行卽宣戰。譚軍亦謂韓部非正式革命軍。不日驅逐出境。韓部遂六七等日